

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članom 35. i 46. Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 13. sjednici, održanoj dana 30.03.2023. godine, d o n o s i

ZAKLJUČAK

o usvajanju Programa utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 002, Budžeta Zeničko-dobojskog kantona za 2023. godinu, pozicija „Tekući transfer za sport“

I.

Usvaja se Program utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 002, Budžeta Zeničko-dobojskog kantona za 2023. godinu, pozicija “Tekući transfer za sport” („Službene novine Zeničko-dobojskog kantona“, broj 3/23) u iznosu od 1.600.000,00 KM (slovima: jedanmilijonšeststotinahiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Za realizaciju ovog zaključka zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/23
Datum, 30.03.2023. godine
Z e n i c a

**PREMIJER
po ovlaštenju**

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.

PROGRAM

utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001, ekonomski kod 614300, subanalitika MAX 002, Budžeta Zeničko-dobojskog kantona za 2023. godinu, pozicija „Tekući transfer za sport“

Član 1.

Svrha Programa je da se sredstva iz Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), utvrđena u razdjelu 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 614300, subanalitika MAX 002, pozicija „Tekući transfer za sport“ koriste za sufinansiranje aktivnosti sportskih klubova i drugih organizacija u sportu, kao i istaknutih sportista (pojedinaца) sa područja Zeničko-dobojskog kantona u 2023. godini.

Član 2.

Visina sredstava, utvrđenih ovim Programom, iznosi 1.600.000,00 KM (slovima: jedanmilionšeststotinahiljada konvertibilnih maraka).

Član 3.

Izvor sredstava je Budžet Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23), razdjel 22, Budžetska organizacija 01, potrošačka jedinica 0001- Ministarstvo za obrazovanje, nauku, kulturu i sport, ekonomski kod 614300, subanalitika MAX 002, pozicija „Tekući transfer za sport“.

Član 4.

Kriteriji za raspodjelu budžetskih sredstava sadrže: kriterije za vrednovanje sportova i kriterije za vrednovanje sportskih klubova. Kriteriji za vrednovanje pojedinih grana sporta sadrže parametre koji se odnose na: razvijenost sporta, ostvarene sportske rezultate i javni status sporta, a Kriteriji za vrednovanje sportskih klubova sadrže parametre koji se odnose na: složenost sistema takmičenja, nivo/rang takmičenja u kojem klub učestvuje, uzrasne kategorije kluba koje su uključene u sistem takmičenja i postignute sportske rezultate kluba. Za ženske klubove ukupan iznos predviđen za aktivnosti kluba, dobiven na osnovu prethodnih parametara uvećava se za 25%.

Član 5.

Sredstva primaju sportski savezi, sportski klubovi, klubovi i udruženja osoba sa invaliditetom, sportska udruženja i drugi pravni subjekti koji organizuju sportske manifestacije od značaja za promociju sporta na području Zeničko-dobojskog kantona, udruženja koja se bave organizovanim sportskim aktivnostima u oblasti školskog i univerzitetskog sporta, te sportisti pojedinci koji su prema kriterijima raspodjele uvršteni u Program utroška sredstava sa pozicije „Tekući transfer za sport“ za 2023. godinu. U slučaju da su klubovi, sportska udruženja i sportisti pojedinci u svojim aplikacijama dostavili netačne podatke, na osnovu kojih su ostvarili veći bodovni iznos i veća novčana sredstva, a iste otkrije i utvrdi komisija, Sektor za kulturu i sport i Ministarstvo za obrazovanje, nauku, kulturu i sport Zeničko-dobojskog kantona, planirani pripadajući iznos iz Programa utroška sredstava „Tekući transfer za sport“ za 2023. godinu, neće

biti realizovan.

Član 6.

Distribucija sredstava vršit će se u iznosima i dinamikom na osnovu javnih poziva i odluka Vlade o raspodjeli sredstava sa razdjela 22, budžetska organizacija 01, potrošačka jedinica 001 Ministarstvo za obrazovanje, nauku, kulturu i sport, ekonomski kod 614300, subanalitika MAX 002, Budžeta Zeničko-dobojskog kantona za 2023. godinu pozicija „Tekući transfer za sport“. Klubovi za uplatu naznačenih sredstava, Ministarstvu za obrazovanje, nauku, kulturu i sport moraju prethodno priložiti fakturu saveza kojem uplaćuju kotizaciju i kopiju računa o uplaćenju kotizaciji na žiro račun naveden u fakturi.

Član 7.

Za realizaciju ovog programa zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 8.

Korisnici sredstava Budžeta namijenjenih za ovaj transfer dužni su resornom ministarstvu dostaviti izvještaj o namjenskoj upotrebi odobrenih sredstava.

Član 9.

Izvještaje o utrošku sredstava Ministarstvo za obrazovanje, nauku, kulturu i sport dužno je polugodišnje dostavljati Vladi Zeničko-dobojskog kantona i Ministarstvu finansija.

Broj: 02-_____/23
Datum, 30.03.2023. godine
Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.